

目錄

南山傳戒儀軌——二壇比丘戒 分三

甲一、授前請戒懺悔儀 分三 一

乙一、禮佛懺悔 一

乙二、請戒開導 分四 三

丙一、集眾請師 三

丙二、和尚開導 五

丙三、通白二師 十三

丙四、回向 十四

乙三、審戒懺悔 分六 十六

丙一、集眾迎師 十六

丙二、淨堂請懺 十七

丙三、懺前開導 十八

甲二、正授比丘戒儀 分八 二十八

乙一、集眾請師 分二 二十八

丙一、介紹十師 二十九

丙二、正請師法 分二 三十

丁一、請和尚 三十

丁二、請餘九師 三十二

乙二、登壇請聖 三十八

乙三、誦遺教經 四十四

乙四、揀眾清淨 分七 四十六

丙一、安受者所 四十六

丙二、差威儀師 分四 四十七

丙四、本堂露罪 二十

丙五、佛前懺悔 二十三

丙六、回向 二十六

丙三、出衆問難.....	四十九	乙六、囑累隨持 _{分四}	七十一
丁一、敷座安慰.....	五十	丙一、說隨相.....	七十一
丁二、取衣化誘.....	五十一	丙二、說四依.....	七十四
丁三、問遮難.....	五十二	丙三、授六念.....	七十六
丁四、受持三衣.....	五十五	丙四、勸學.....	七十八
丙四、單白入衆.....	五十八	乙七、誦遺教經.....	七十九
丙五、僧中乞戒.....	六十一	乙八、回向 _{分三}	八十
丙六、單白和僧.....	六十二	丙一、受竟下壇.....	八十
丙七、問遮難.....	六十二	丙二、回向.....	八十一
乙五、正受戒體 _{分四}	六十四	丙三、說自慶偈.....	八十二
丙一、示境發心.....	六十四	甲三、發願禮祖.....	八十四
丙二、加羯磨法.....	六十五		
丙三、得戒時間.....	六十八		
丙四、餘受戒人.....	六十九		

南山傳戒儀軌——二壇比丘戒

分三

甲一、授前請戒懺悔儀

分三

乙一、禮佛懺悔

●集衆如常 見《初壇沙彌戒》『鳴鍾集衆』……

●凡諸沙彌欲求受比丘具戒時 須具緣則成受也 一能受有五 是人道 諸根具足 身器清淨 出家相具 得少分法 二所對有六 結界成就 有能秉法僧 數滿如法 界內盡集和合 有白四教法 資緣具足 三發心乞戒 四心境相當 五事成究竟 其他諸緣一如正受次第

◆引禮云

諸沙彌等一齊向上排班 聞磬聲至誠禮佛三拜 撩衣

拜已

問訊 長跪 合掌

◆引禮開示云

夫結成罪種。理須懺除。則形清心淨。應同僧法。故《薩婆多論》云。無有一法疾於心者。凡夫心輕躁。或善或惡。不應以暫惡便永棄之。故須懺悔。犯而不悔。業苦何窮。是

故汝等於佛前。克誠披露。求哀懺悔。

◆引禮呼

作禮一拜

拜已

齊起立

問訊

合掌

●禮佛懺悔文一同沙彌中

參見《初壇沙彌戒》『禮五十三佛』

乙二、請戒開導

分四

● 一此時貼榜文寫出十師名次

二貼出圓具壇榜張貼示諭 使戒子各知其受具壇數 不至紊亂戒次之先後

丙一、集衆請師

● 集衆如常 見《初壇沙彌戒》『鳴鍾集衆』……（堂內先預設三法座 三拜墊）

◆ 引禮呼

諸沙彌等一齊向上排班 聞磬聲至誠禮佛三拜 拜已 問訊 分班

爲首者八人出班 二人執香 迎請三師 至請堂

◆ 引禮呼

諸沙彌等一齊向上排班展具 聞磬聲至誠頂禮三拜

拜已 起具 問訊 分班 末後先行 回戒堂

◆ 引禮舉香讚

爐香乍爇 法界蒙熏 諸佛海會悉遙聞 隨處結祥雲

誠意方殷 諸佛現全身

南無雲來集菩薩摩訶薩

第三遍改
海會雲來集

三

三師三拜 拜已 陞座
稱 煞 引 磬 三 陣

◆引禮師向和尚展大具 三拜 長跪 合掌 先代通白

仰白和尚。大慈忍聽。彼沙彌某甲等。威儀略諳。求具志

殷。希入僧倫。欲躋聖域。故今先詣座前。頂禮啓白。惟願和尚智鑒。稱量可否。苟或機堪拔濟。少賜矜憐。預爲開導。

如是白已 一拜 起具

◆引禮呼

上香 復位 諸沙彌等一齊向上排班 展大具

聞磬聲至誠頂禮三拜 撩衣拜已 問訊 長跪 合掌

◆引禮云

所有乞戒言詞。汝當自白。

◆為首者白云

人身難得。中國難生。佛道難遇。戒法難逢。我某甲等。

幸逢大和尚。樹光明幢。張淨梵網。接引凡流。攝歸僧寶。

願賜我

某甲

等。具足大戒。如律行持。成道利生。用報恩德。

◆引禮呼

作禮一拜 合掌

丙二、和尚開導

◆和尚撫尺云

夫采如意珠而入海。從淺至深。稟具足戒而登壇。由小進大。戒寶非踰跨可求。佛制必相應方授。未有不歷沙彌行業。而直趣大僧名位者也。今爾諸人。既已守持息慈學處。復能求受比丘律儀。則階級無越。理合增修。況乎請懇殷誠。吾豈憖而不授。但此具足大戒尊重。所任靡輕。是正法久住之根源。僧伽蕃衍之命脈。非具足則僧倫無以崇立。非僧寶則佛法何以弘。故於天。人。魔。梵。外道。婆羅門衆中。比

丘僧最爲第一。

然而欲圓具戒。必須受戒衆緣成就。方能如法得戒。若受戒諸緣有違。則雖受不得。《隨機羯磨》云。「受具足戒羯磨。須具足五緣方成」。此之五緣先前雖已教導。今則依彼。再示其要。以令汝等預知曉了。必使臨受戒時。心境相當。如實感發戒體。所謂五緣者。第一。能受之人有五種。一是人道。二諸根具足。三身器清淨。四出家相具。五得少分法。第二。所對之境有七項。一結界成就。二有能秉法僧。三僧數滿足。四界內盡集。五有白四羯磨。六資緣具足。七佛法時中。第三。發心乞戒。若無心乞受。則不得戒。第四。心境相應。心不當境。境不稱心。或心境俱不相應。並非法故。第五。事成究竟。先從請師。終於問難。共有八事爲緣。再

加授前開導。後正加法。以成就授戒法事。上來五緣。今皆具足。汝等應當深自檢校策發。以求如法受得具足勝戒。復次。縱然諸緣俱成。而汝等乞戒之心。復有三品。所謂上中下也。隨其所發之心。則隨感上中下品之戒。然以具足戒之戒法。戒體。戒行。戒相。與前沙彌受持者。百倍千倍。不能比喻。苟不識知如是深義。雖云登壇授受。受已還同未受。似僧非是真僧。與衆共住。名曰啞羊比丘。同僧法事。呼爲摩和羅輩。若欲紹隆三寶。利益群生。斯之功德。何由可克。故我今於未登壇前。開導明了。令汝等正受戒時。領解不昧。

所言上品心。受上品戒者。即汝等來朝。正登壇上。能發堅固信力。普於法界一切有情。及與無情境上。起廣大慈護

之心。除不善損害之念。誓斷一切惡。誓修一切善。誓度一切衆生。《行事鈔》云。「爲成三聚戒故。趣三解脫門。正求泥洹果。又以此法引導衆生。令至涅槃。令法久住。」於中不怖不退。志願堅深。能令一切衆生得究竟度故。此則謂之發上品心。受上品戒。誠所謂內秘菩薩行。外現是聲聞。能住正法。建立僧倫。又《毗跋律》云。「若發心我今求道。當救一切衆生。衆生皆惜壽命。以此事受。是爲下品軟心。」但以不害彼命。未更以法開導故。只是下品心。復次《行事鈔》云。「我今正心向道。解衆生疑。我爲一切作津梁。亦能自利。復利他人。受持正戒。」此雖更以佛法開導。然未能令得究竟度故。尚爲中品之心。此二種心。狹劣非勝故。所獲之戒。但是中下品爾。如此受戒。僅可自利。或有利他。

亦未能究竟。既乏泥洹之利。則佛種奚紹。是以今欲汝等。發上品心。受上品戒。而不欲汝等。起卑劣心。受中下品戒也。

所言「戒法」者。即聖人觀衆生有漏因緣。爲調伏彼等七支。禁防三毒而立之制教也。此法體通出離之道。有軌凡成聖之功。十方諸佛。三乘賢聖。並同修此。故名聖法。亦即律藏所詮一切教法。正是汝等登壇所欲受者。

所謂「戒體」者。即是爾等臨壇正秉羯磨時。於十師座前。發上品心之思業力用。緣法界一切塵沙情與無情。及空有二諦等法。以己要期。善淨心器。必不爲惡。勇發三誓。翻昔三障。假前勝境。發動勝心。冥會前法。以此要期之心。與彼妙法相應。於彼法上。由心業力。有緣起之義。於本藏識。

結成善菩提種子。領納在心。名爲戒體。又因識種熏心。故力有常。能牽後習。起功用故。於諸過境。能憶。能持。能防。隨心動用。還熏本識。如是展轉。能靜妄源。此戒體之大用也。亦登壇作觀。所當發得者。汝等於此。自當用心體會。不可輕忽。

所言「戒行」者。即依本所受之戒體。秉之在心。廣修方便。檢肅三業。克志專崇。高慕前聖。持心後起。義順於前。名爲戒行。於日用處。或讀誦。或安禪。或熏禮懺法。或修持淨業。乃至著衣受食等。皆不違越毘尼。所以一切行。盡名戒行。非謂一切行外。而別有戒行。故知出世行業。悉以淨戒而爲本也。

所言「戒相」者。此中有二。一者以法爲相。即佛所制。

五篇七聚。百八羯磨。於一一戒中。所明境緣輕重。持犯開遮。於一一羯磨內。所攝成壞兩緣等。種種差別之相。即法相也。二者以行為相。所謂威儀行成。隨所施造。動則稱法。美德光顯。故名戒相。

又戒因事而制。事依戒而成。若一切善業等事。如法當行而不行。此名之止犯。若當行而行。即此名之作持。若一切惡業等事非法。不當行而行。此名之作犯。若不當行而不行。此名之止持。若罔知止犯作持。止持作犯。則開遮全晦。成壞茫然。是故律制比丘。五夏以前。專精戒學。五夏以後。方許聽教參禪。蓋為令其識相護體。冀生定慧。出世道業。方有所據。汝等若能如是信解。如是受持。庶合聖德。真是出家持法之子。故《首楞嚴經》云。「將此深心奉塵刹。是

則名爲報佛恩。」汝等能依教奉行否。

答 能依教奉行。

◆和尚云

既能依教奉行。今當更請羯磨阿闍黎。先審察汝等沙彌十支禁戒。若持守無染。可謂真淨道器。少有違犯。仍是雜穢身心。必須苦切痛訶。依律懺悔。更有十三重難。十六輕遮。於臨壇時。方差教授阿闍黎。先於屏處別問。至秉羯磨時。對衆復再嚴詰。我今令衆引禮大德。爲汝等白知二師。啓請受具開導等情。俟作法審懺中。若果無犯重。不毀根本戒者。方可集會同界大僧。於彼衆中恭請十師登壇。爲爾諸人授大比丘戒。衆引禮大德。如我所語。即當奉行。

◆諸引禮曲躬合掌齊答云

如和尚所命。

◆引禮呼

諸沙彌等一齊起立

聞磬聲至誠頂禮三拜

拜已

長跪

合掌

丙三、通白二師

◆引禮師合掌啓白云

彼沙彌

某甲

等。適間申請和尚。稟受具戒。已蒙慈允。預

爲開導。但未知其勤策本戒。持犯若何。故和尚差我

某甲

等。

率諸沙彌。敬白羯磨阿闍黎。於今夜分。敷座恭請。惟冀臨

堂。如律作法。慈愍故。

白己 問訊

◆引禮呼

作禮一拜 合掌

◆羯磨阿闍黎云

善哉。沙彌。可爾爲汝等臨堂作法。人各靜其心慮。忖其

持犯。至時集候。如實懺悔。

答

依教奉行。

◆引禮呼

諸沙彌等一齊起立

聞磬聲頂禮三拜

拜已

問訊

長跪

合掌

◆引禮合掌啓白云

彼沙彌

某甲

等。適間頂禮和尚。啓請進具。幸蒙垂憐。如

律開導。已令請羯磨師。今夜懺悔。仍恐威儀缺略。不應法緣。故復差我_{某甲}等。爲諸沙彌啓白教授阿闍黎。伏祈重警恭詣。再賜慈音。慈愍故。_{自己}

◆引禮呼

作禮一拜 合掌

◆教授阿闍黎云

善哉。沙彌。如彼代言。深可慶幸。更希教誡威儀。諒已演習如法。其大比丘隨律軌則。待近圓後。方可一一教誡。

答
依教奉行。

◆引禮呼

作禮一拜 _{拜已} 一齊起立 問訊 分班

丙四、回向

◆引禮舉回向偈 三師下座三拜

願以此功德 莊嚴佛淨土 上報四重恩 下濟三途苦
若有見聞者 悉發菩提心 盡此一報身 同生極樂國

◆引禮呼

諸沙彌等一齊向上排班 聞磬聲至誠禮謝三師三拜

◆引禮呼

迎請者送三師回寮 待師出已

◆引禮呼

諸沙彌等 聞磬聲至誠禮佛三拜 拜已 起具 問訊 分班

◆引禮師交代事情畢出堂

乙三、審戒懺悔 分六

●此番作法 更當整肅 良以具足大戒尊嚴 而僧伽之數難入 且今去佛時遙 法多情蔽 若不藉以殊勝外緣 曷能發彼上品因心 是以即於請戒後日分 引禮師先令淨人或沙彌灑掃懺堂 中敷一座 供列香花 莊飾幡蓋 處處燈懸 光逾白晝 在在香爇 篆藹祥雲 供設既備 即鳴犍椎 先集諸求具沙彌於懺堂中 依單按班次排列

丙一、集衆迎師

●集衆如常 見《初壇沙彌戒》『鳴鍾集衆』

◆引禮呼

諸沙彌等一齊向上排班 聞磬聲至誠禮佛三拜 撩衣 拜已 問訊 分班
為首者六人出班 二人執香 迎請羯磨阿闍黎 至請堂

◆引禮呼

諸沙彌等一齊向上排班 聞磬聲至誠頂禮三拜 拜已 問訊 分班
末後先行 回戒堂

◆引禮舉讚

信香初蔚 上座光臨 生平遮難吐傾心 隱覆罪彌深

輕重無禁 方稱比丘身

南無香雲蓋菩薩摩訶薩

三稱 師拈香三拜陞座

◆引禮呼

上香 復位 諸沙彌等一齊向上排班 展具

聞磬聲至誠頂禮羯磨阿闍黎三拜 拜已 問訊 分班

丙二、淨堂請懺

◆引禮云

諸沙彌等。各各至誠。隨我音聲。一起朗誦大悲神咒。仗此密言。威神力故。淨潔法筵。遠諸魔障。

南無大悲觀世音菩薩

三稱 接念大悲咒 齊聲朗誦三遍 至末句「南無喝囉怛那多囉夜耶」 一槌地鍾 向上排班 咒畢 接唱

拜下

南無甘露王菩薩摩訶薩。

三稱三拜

◆引禮呼

問訊 長跪 合掌

◆引禮白 云

夫七衆以比丘爲首。三聚以具戒爲尊。須求淨器。授彼醝
醐。合選良材。斫成梁棟。運斤在於大匠。陶冶不越輪繩。
今爲汝等。恭請某某堂上上某下某律師。作審戒懺悔阿闍黎。
請師之語。汝合自陳。恐汝未能。我今教汝。各稱自己法名
(弟子)某甲。稱已其餘言詞。皆隨我道。

大德一心念。我沙彌某甲等。今請大德爲審戒懺悔阿闍黎。
願大德。爲我作審戒懺悔阿闍黎。我依大德故。得如實懺悔。
慈愍故。

◆引禮呼 作禮一拜 合掌 三請三拜

丙三、懺前開導

◆羯磨阿闍黎撫尺 云

夫戒淨而定慧生。乃佛祖修證之道本。惑起而貪愛具。是有情輪回之苦因。斯唯智者覺照。愚者迷淪。汝等既能厭苦捨家。受持沙彌十戒。復欲增進勤修。願入比丘僧倫。如是則何患定慧不生。而輪回不息。但慮汝等。本所受持禁戒之中。或輕重條章有毀。或息慈名德有虧。縱欲近圓。恐無所獲。《薩婆多論》云。若破沙彌十戒中重者。若受具戒。及禪無漏戒。若欲勝進。一切不得。良以沙彌十戒。是比丘戒之原基也。譬如樹根充潤。花果敷實。亦如地址堅牢。樓閣任興。未有無根企果。而無址架閣者。是故我今於請戒開導之次。欽遵律制。逐一問汝。汝等隨其所問。逐一實答。不得以有言無。以重說輕。倘有一念覆諱。豈但內欺於心。外欺於師。抑且欺誑十方諸佛菩薩。諸天善神。而舊罪不除。

新殃更積。如是則惡道不怖。慚愧不生。誠爲可憐愍者。是故汝等。人人信力決定。生大怖畏。生大慚愧。思惡道苦。發菩提心。傾誠發露。真切懺悔。鑛砂淨盡。方是精金。瑕疵少存。尤非良璧。鳴尺一下汝等能如實懺悔否。

答
能如實懺悔。

◆引禮呼

一齊起立 聞磬聲至誠頂禮三拜 拜已 問訊 長跪 合掌

◆引禮云

丙四、本堂露罪

汝等三業至誠。隨我音聲稱念。

南無十方常住三寶 三稱

◆引禮云

各稱自己法名 (弟子某甲)

◆羯磨阿闍黎撫尺云

諸沙彌。我今詳問汝等。本所受持十支戒相者。正是浣汝身心。蠲除不淨。遴選道器。攝入僧倫。應須各解我語。確實而答。

◆鳴尺一下

第一不殺生戒。凡物有命。不得故殺。若自殺。若教他殺。若見殺隨喜等。汝等於此戒中。曾有犯否。

若有犯即實答犯某殺 旁人不得教答無也 蓋犯戒由之於自心 懺悔必須自言 若是傍人教之 斯皆得越毘尼罪 下之九戒亦如是 若真正無犯者方可答云 無。

第二不盜戒。凡是有主物。不得盜心故取。若自取。若教他取。若受教代他往取。若咒術取。若因寄取。若與已更奪取。若貸借不還。乃至偷稅。冒渡等。皆名曰盜。汝等於此戒中。曾有犯否。

若有犯即實答犯某盜 若果無犯者方可答云 無。

第三不姪戒。若與人男人女。作不淨行。或已姪他。或他

姪己。乃至共畜生者。皆名曰姪。汝等於此戒中。曾有犯否。

若有犯即實答犯某姪

若果無犯者方可答云

無。

第四不妄語戒。若未曾悟道。妄言已悟。若未得禪得定。

妄言已得。若未證四果。妄言已證。乃至妄言。天龍鬼神等來。如此虛而不實。誑惑世人。皆名大妄語。汝等於此戒中。曾有犯否。

若曾向人說某妄語 即實答犯

某妄語 若果無犯者方可答云

無。

更有妄語。綺語。兩舌。惡口。皆名曰小妄語。汝等於此戒中。曾有犯否。

若有犯即實答有犯

若果無犯者方可答云

無。

第五不飲酒戒。凡一切能醉人者。一滴不可入口。汝等於此戒中。曾有犯否。

若有犯即實答有犯

若果無犯者方可答云

無。

第六不著香花鬘。不香油塗身戒。汝等於此戒中曾有犯否。

若有犯即實答有犯

若果無犯者方可答云

無。

第七不歌舞倡伎。不故往觀聽戒。汝等於此戒中。曾有犯否。

若有犯即實答有犯
若果無犯者方可答云 無。

第八不坐高廣大床戒。汝等於此戒中。曾有犯否。

若有犯即實答有犯
若果無犯者方可答云 無。

第九不非時食戒。汝等於此戒中。曾有犯否。

若有犯即實答有犯
若果無犯者方可答云 無。

第十不捉持生像金銀寶物戒。汝等於此戒中。曾有犯否。

若有犯即實答有犯
若果無犯者方可答云 無。

◆引禮呼

作禮一拜 合掌

丙五、佛前懺悔

◆羯磨阿闍黎撫尺云

諸沙彌。我今遵律。已詳問汝等。汝等各各解我語言。一
一答竟。諒無餘蘊。庶幾身器清淨。可爾登壇得圓具戒。然
於登壇之日。屏處及與僧中。仍問汝等四重根本。汝等亦如
今夜。在我座前。諦實而答。此時更爲汝等、拈香懇禱十方
諸佛加庇。衆聖證盟。願多生所積之愆尤。從今殄滅。無始
未行之善業。自此勤修。汝今衆人。各各觀想十方諸佛。隨
我言音至誠懺悔。各稱自己法名（弟子
某甲）稱已

◆引禮呼

一齊起立 合掌

◆羯磨阿闍黎合掌舉唱一句 新戒和唱一句后禮拜

往昔所造諸惡業。
皆由無始貪瞋癡。

從身語意之所生。

②一切罪障。皆懺悔。

①今對佛前求懺悔。

③一切罪根。皆懺悔。

三唱三拜

◆引禮呼

長跪 合掌

◆羯磨阿闍黎云

汝等既能厭俗捨家。受持沙彌十戒。復欲精進勤修。願入比丘僧倫。如是則何患定慧不生。輪回不息。世尊所言。沙彌戒。是比丘戒之根本。須淨潔無染。方堪進具。其中前四戒是性罪。隨犯一條不得重受。後六戒爲遮罪。設有違犯。但能傾心吐露。仍許懺悔。還得清淨受戒。若犯而不言者。名覆悔過失。身器垢穢。准律不能容此不清淨之人受戒。且

幸爾等受持禁戒之中。輕重條章未毀。息慈名德不虧。戒可得受。我今再問汝等。本所受持戒品。四重戒中果然清淨無犯否。

答
無犯。

◆羯磨阿闍黎 又云

既然無犯。吉日臨壇。授汝等具足大戒。

答

阿彌陀佛。

◆引禮 呼

一齊起立聞磬聲至誠頂禮三拜

拜已

問訊 合掌

丙六、回向

◆引禮舉回向偈 師下座至中禮佛

懺悔功德殊勝行。

師禮

戒子唱

師起

戒子拜

無邊勝福皆回向。

師唱

戒子起

師禮

戒子唱

師起

戒子拜

普願沈溺諸眾生。

師唱

戒子起

師禮

戒子唱

師起

戒子拜

十方三世一切佛。

一切菩薩摩訶薩。

師唱 戒子起同唱

問訊

摩訶般若波羅蜜

◆引禮呼

諸沙彌等聞磬聲至誠禮謝羯磨阿闍黎三拜

◆引禮呼

迎請者送羯磨阿闍黎回寮

待師出已

◆引禮呼

諸沙彌等聞磬聲至誠禮佛三拜

拜已

起具問訊分班

●諸新戒應當謹遵師教加功用行禮佛懺悔以期消除罪障於明朝壇上得稟受上品清淨戒體
●休息片刻引禮師即令諸新戒齊集通宵頂禮本師釋迦牟尼佛聖號引禮師或沙彌頭帶領

甲二、正授比丘戒儀

分八

乙一、集眾請師

分二

●集眾如常 見初壇沙彌戒『鳴鍾集眾』：諸莊嚴具放置殿堂兩側 在堂中預設十師拜墊 座位

◆引禮呼

諸沙彌等一齊向上排班 聞磬聲至誠禮佛三拜 拜已 問訊 分班

爲首者八人出班 二人執香 迎請十師 至請堂

◆引禮呼

諸沙彌等一齊向上排班 展大具 聞磬聲至誠頂禮三拜

拜已 起具 問訊 分班 鐘鼓齊鳴 末後先行

至戒堂 十師禮佛三拜 拜已 隨次陞坐

◆引禮呼

上香 復位 諸沙彌等一齊向上排班 展大具

聞磬聲至誠頂禮三拜 撩衣 護鉢 拜已 長跪 合掌

丙一、介紹十師

◆左班引禮呼

夫明鏡當臺。遇形則鑒。洪鐘在架。有扣則鳴。圓成三聚。須假於三師。舉檢七非。全憑於七證。今則在此大僧之中。爲汝等恭請十師。登壇受具。汝等各各記取和尚。及現前諸師相貌名字。不得忘失。

◆高聲呼

一齊抬頭認師

稍待片刻 左右班引禮輪番介紹十師

- | | | | |
|-----|------|--------|-----------|
| 第一位 | 某某堂上 | 上某下某律師 | 爲汝等作具足戒和尚 |
| 第二位 | 某某堂上 | 上某下某律師 | 爲汝等作羯磨阿闍黎 |
| 第三位 | 某某堂上 | 上某下某律師 | 爲汝等作教授阿闍黎 |
| 第四位 | 某某堂上 | 上某下某律師 | 爲汝等作尊證阿闍黎 |
| 第五位 | 某某堂上 | 上某下某律師 | 爲汝等作尊證阿闍黎 |

第六位 某某堂上 上某下某律師

爲汝等作尊證阿闍黎

第七位 某某堂上 上某下某律師

爲汝等作尊證阿闍黎

第八位 某某堂上 上某下某律師

爲汝等作尊證阿闍黎

第九位 某某堂上 上某下某律師

爲汝等作尊證阿闍黎

第十位 某某堂上 上某下某律師

爲汝等作尊證阿闍黎

◆引禮呼

一齊起立 聞磬聲至誠頂禮三拜 撩衣 護鉢 拜已 長跪 合掌

丙二、正請師法 分二

丁一、請和尚

◆引禮示語云

所以請和尚者。此是得戒根本。所歸投處。若無此人。承習莫由。闕於示導。不相生長。必須請之。今爲汝等恭請某

某堂上上某下某律師。爲汝等作具足戒和尚。請師之語。汝

合自陳。恐汝未能。我今教汝。各稱自己法名（弟子某甲）。稱已其

餘言詞。皆隨我道。

大德一心念。我某甲等。今請大德爲和尚。願大德爲我作

和尚。我依大德故。得受具足戒。慈愍故。

第三遍大慈愍故

◆引禮呼

作禮一拜 合掌 三請三拜

◆和尚云

可爾教授汝。清淨莫放逸。 答 頂戴持。

●沙彌戒時已曾請訖 今則重請以容改轉 不用本師 又沙彌戒時請 爲受十戒 今者沙彌

爲受具戒 受法不同

◆引禮呼

諸沙彌等一齊起立 聞磬聲至誠頂禮三拜 撩衣 護鉢

拜已 長跪 合掌

丁二、請餘九師

《事鈔記》卷八·一四后

◆引禮示語云

羯磨戒師阿闍黎者。受戒正緣。若無此人。秉於聖法。則法界善法。無由得生。故須增上重心。於戒師所。方發無作。故須請之。今爲汝等恭請某某堂上_{上某下}某律師。爲汝等作羯磨阿闍黎。請師之語。汝合自陳。恐汝未能。我今教汝。各稱自己法名_{弟子某甲}。稱已其餘言詞。皆隨我道。

大德一心念。我_{某甲}等。今請大德爲羯磨阿闍黎。願大德爲我作羯磨阿闍黎。我依大德故。得受具足戒。慈愍故。

第三遍大慈愍故

◆引禮呼

作禮一拜 合掌 三請三拜

◆羯磨阿闍黎云

可爾教授汝。清淨莫放逸。

答 頂戴持。

◆引禮呼

諸沙彌等一齊起立 聞磬聲至誠頂禮三拜 撩衣 護鉢

拜已 長跪 合掌

◆引禮示語云

所以請教授阿闍黎者。由此人爲汝教授。引導開解。令至僧中。發汝具戒。緣起方便。並因此師。重心請者。方乃發戒。故須請之。今爲汝等恭請某某堂上上某下某律師。爲汝等作教授阿闍黎。請師之語。汝合自陳。恐汝未能。我今教汝。各稱自己法名（弟子某甲）。稱已其餘言詞。皆隨我道。大德一心念。我某甲等。今請大德爲教授阿闍黎。願大德爲我作教授阿闍黎。我依大德故。得受具足戒。慈愍故。

第三遍大慈愍故

◆引禮呼

作禮一拜 合掌 三請三拜

◆教授阿闍黎 云

可爾教授汝。清淨莫放逸。

答
頂戴持。

◆引禮 呼

諸沙彌等一齊起立 聞磬聲至誠頂禮三拜 撩衣 護鉢

拜已 長跪 合掌

◆引禮示語 云

所以請七尊證師者。以羯磨法非是獨秉。必取此人。證無錯謬。若論發戒。功與三師齊德。故須請之。請師之語。汝合自陳。恐汝未能。我今教汝。各稱自己法名（弟子某甲）。稱已其餘言詞。皆隨我道。

大德一心念。我_{某甲}等。

今請諸大德爲尊證阿闍黎。願諸

大德爲我作尊證阿闍黎。我依諸大德故。得受具足戒。慈愍故。
第三遍大慈愍故

◆引禮 呼

作禮一拜 合掌 三請三拜

◆七尊證師 答云

可爾教授汝。清淨莫放逸。
答 頂戴持。

◆引禮師 呼

諸沙彌等一齊起立 聞磬聲至誠頂禮三拜 拜已 起具 問訊 分班

鐘鼓齊鳴 末後先行

◆引禮 舉佛號

南無本師釋迦牟尼佛…… 至戒壇下

行進次第


戒子長跪合掌，
迎請十師。

待十師經過，
戒子起身隨
後而行。



莊嚴具放置於壇前 見圖(1)戒壇布置方法
第二重壇上西行 南頭置一高座 次設三虛座 一擬豆田邪菩薩比丘 二擬樓至菩薩比丘 三擬馬闌邪菩薩比丘 以
三菩薩比丘請佛立受戒結戒戒壇之首 於戒有功 故列三虛座以處之

圖(1)



注：
①豆田邪菩薩比丘
②樓至菩薩比丘
③馬闌邪菩薩比丘


乙二、登壇請聖

※教授阿闍黎執手爐前引

從南面下層東階道

接足而上 至層上

東出北回
繞壇一匝



●上座在西頭 當佛前禮三拜 十師卓立具修威儀 廣運心想 請十方現在諸佛諸大菩薩聲聞僧眾普會戒壇 天龍八部遍滿虛空 以佛在時多行受戒 咸陞壇上 雖非羯磨僧數 而行善來 戒法亦同具戒 佛滅度後 行事聖僧羅列佛像 擬佛在時故也 亦使僧法有依 非佛不可 故置靈儀 不徒設也

◆和尚云

諸沙彌等。今者集僧登壇。如律作法。理當先祈三寶。慈光攝照。重佑加被。次屈萬靈。威神鎮衛。各稱自己法名

(弟子稱己某甲)

一齊隨我音聲。作觀三請。

和尚拈香作梵

運想三寶一切恭謹

◆和尚舉

二師七證和

大眾和

香花迎

香花請

弟子

某甲

等一心奉請

娑婆教主本師釋迦牟尼佛。西方接引阿彌陀佛。當來下生彌勒尊佛。盡虛空遍法界一切諸佛。惟願不違本誓。普降法筵。證盟受戒。

◆引禮呼

作禮一拜 合掌 三請三拜

◆和尚舉

二師七證和

大眾和

香花迎 香花請 弟子_{某甲}等一心奉請

大小二乘。毗尼律藏。五篇三聚。解脫木叉。十二分經。

權實教典。離欲真淨。甚深法寶。謹運一心。皈命頂禮。

◆引禮呼

作禮一拜 合掌 三請三拜

◆和尚舉

二師七證和

大眾和

香花迎 香花請 弟子_{某甲}等一心奉請

觀音勢至。文殊普賢。清淨海衆。諸大菩薩。律藏會上優
波離尊者。請佛立壇受戒結戒豆田邪。樓至。馬闌邪。西天
東土歷代祖師。傳南山宗諸大律師。_{上某下某}戒源和尚。惟願
不違本誓。普降法筵。證盟受戒。

◆引禮呼

作禮一拜 合掌 三請三拜

◆和尚舉

二師七證和

大眾和

香花迎 香花請 某甲 等一心奉請


光明會上。寄位諸天。梵釋四王。天龍八部。伽藍土地。
護戒神王。金剛力士。幽顯靈祇。惟願各乘本誓。普降法
筵。監壇護戒。

◆引禮呼

問訊 合掌 三請三拜


圖(3)

※十師運想已
教授師執爐 引衆面西卻行
取上層西階道 接足上壇頂
東轉北回 繞佛匝已
至三空座前一禮已
依次而坐



圖(4)

※此時應打鍵稚 多燒名香 讚唄功德
所集之僧 無問大小戒 普至以聽遺教
於上下二層依位坐已
※令引禮師引欲受戒者
至南面東階道下 面西而立
教授師從南面東階卻下
將戒子引向西階道上



●至下層上便東回北轉西出 又東行面北而立

◆引禮呼

諸沙彌等問訊 展具 聞磬聲至誠禮佛三拜 拜已 互跪 合掌

◆引禮舉唄 誦遺教經師出位 拈香 陞座

稽首禮諸佛 及法比丘僧 今演毗尼法 令正法久住
豆田邪爲首 及餘二請者 先說經要義 諸賢咸共聽


竟 唄

乙三、誦遺教經

◆誦經

誦遺教經……誦竟 由東階卻下

圖(5)



◆聽經訖 和尚云

諸引禮師。將彼求具戒沙彌。安置眼見耳不聞處立。

◆引禮呼

諸沙彌等作禮一拜 起具 問訊

隨引禮師出戒場外

●引禮引至南面東階 依次卻行而下 出界外行立 若未解威儀折旋俯仰者 令知法引禮一指授 庠序弘緩 引而行之

乙四、揀眾清淨

分七


丙一、安受者所

《事鈔記》卷八·二十九前

《隨機羯磨》卷上·二十二前

●當立受戒人置眼見耳不聞處 受戒人不得在空隱沒離見聞處 十師亦不得在空乃至界外界外問遮難 其正受時必在界內 若多人共受者 應兩處安置 一多人行立 令望見僧起敬重意 二將問難者離僧及離沙彌行處 於中間緣必在同處亦得 恐後問如前心不尊重

圖(6)



丙二、差威儀師

分四

◆和尚對羯磨師云

長老今作羯磨

《事鈔記》卷八·三十前 《隨機羯磨》卷上·二十二後
又對教授師云

長老當受羯磨

◆羯磨師問云

眾中誰能與某甲作教授師

教授師答
我能

◆羯磨師問和

僧集否

第一尊證答

僧已集

和合否

答

和合

未受具戒者出

答

此眾無未受具戒者

不來諸比丘說欲及清淨

答

此眾無說欲及清淨者

僧今和合何所作爲

答

受戒羯磨

●總答已後不須和 乃至多人例通問答 不得過明相 若中途有乖儀非法者 應重問和

大德僧聽。彼

某甲

從和尚

某甲

求受具足戒。若僧時到。僧

忍聽。


某甲

爲教授師。白如是。

丙三、出衆問難

●教授師下座禮僧已 從南面東階卻下 具修威儀令衆可觀 於戒壇東階南設席擬問遮難
引禮師一一引至戒場內 其受具者至於席側 執衣鉢當東階面北而立

圖(7)



丁一、敷座安趺

《事鈔記》卷九·十後 《隨機羯磨》卷上·二十二後

◆教授師至問席所坐已 引禮 云

諸沙彌等 聞磬聲至誠頂禮教授阿闍黎三拜 拜已 長跪 合掌

◆教授師 云

汝莫恐懼。須臾持汝。著高勝處。 非指壇上 約成僧寶位

丁二、取衣化誘

◆拿五條衣 云

指其身所著者云

執大衣云

《事鈔記》卷九·十一前 《隨機羯磨》卷上·二十二後

此衣名安陀會 此衣名鬱多羅僧 此衣名僧伽黎
此三衣名唯佛法有。九十六種外道所無。何得不敬。

●故坐具尼師壇 如塔之有基也 汝今受戒即五分法身之基也 良以五分由戒而成 若無坐具而坐汝身 則五分定慧無所從生 故坐具如塔之基也 三衣斷三毒也 五條下衣斷貪身也 七條中衣斷瞋口也 大衣上衣斷癡心也

今示汝名相。 並執鉢言 此器名鉢多羅。 《十誦律》云。鉢是

恒沙諸佛標幟。 復問云 此衣鉢是汝有否。 答是。

丁三、問遮難

《事鈔記》卷九·十二前

《隨機羯磨》卷上·二十二前

善男子諦聽。今是至誠時。實語時。我今當問汝。汝隨我問。應答。若不實者。當言不實。若實言實。何以如此。由無始來。欺誑聖賢。沈沒生死。今欲捨虛妄。證真實法。令汝實答。今問汝遮難。若不實答。徒自浪受。《四分律》云。犯遮難人。七佛一時爲授。亦不得戒。汝曾作大比丘否。

若未受過
具足戒 答

未

若曾受過
具足戒 答

作

問 清淨持戒否。一心如法還戒否。

並依實
而答

第一汝不犯邊罪否

答

無

◆又云

汝應不識此罪。謂曾受佛戒。而犯姪盜殺妄。四重戒中。隨犯一戒。即漂棄佛海邊外。故名邊罪。必不得受。今汝無耶。

答

無

◆又云

汝若不識不解。不得妄答。

第二汝非白衣時。沙彌時。汙淨行比丘尼否。

答 無

第三汝非白衣時。沙彌時。盜聽眾僧說戒羯磨。詐作比丘

否。

答 無

第四汝非曾作外道來投受戒。後還作外道。今復重來否

答 無

第五汝非五種黃門否

答 無

第六汝非弑父否

答 無

第七汝非弑母否

答 無

第八汝非弑阿羅漢否

答 無

第九汝非破僧否

答 無

第十汝非惡心出佛身血否

答 無

第十一汝非天人。阿修羅子。名爲非人。變爲人形。而來受戒否。

答 無

第十二汝非諸龍畜等。能變化者。爲人形而來受戒否。

答 無

第十三汝今身中不佩男女二形否。

答 無

◆教授師應讚言

善男子。已問難事。十三既無。戒可得受。今更問汝。十六輕遮。

◆問云

汝稱何法名

答 某甲

和尚字誰

答 上某下某大和尚

年滿二十否

答 已滿

三衣鉢具否

答 具足

父母聽汝否

應先問父母在否（若在則問若不在則不問『父母聽汝否。』）

答 聽

汝不負債否

答 無

汝非奴否

答 無

汝非官人否

（約有名祿）

答無

汝是丈夫否

（年必二十至六十歲內 能忍寒熱饑渴風雨蚊虻毒蟲惡言苦事 能持戒一食等 必無所堪能 不與具）

答

是丈夫

◆又云

丈夫有如是病。疥癩。癰疽。白癩。幹瘡。癰狂。汝今無

此諸病否。

答

無

（今合衣鉢 父母五病分開則十六也）

◆復云

汝無遮難。定得受也。如我今問汝。僧中亦當如是問。如汝向者答我。僧中亦當如是答。汝可起立。

◆語云

《事鈔記》卷九·十三後

汝此處立。我至僧中。爲汝通請。若僧中許可。我舉手召汝。汝可即來。

丁四、受持三衣

●教授師問完并爲受持衣鉢 引禮師教授衣文 若自知文則不必教

●《羯磨疏》云「既云受具 正法有儀 章服被於外容 戒業充於內報 事儀相假 何得不持」又云「持竟從僧乞受」 《濟緣記》釋云 「按壇經云 教授師於此爲受衣 准此即對大僧也」 又云「既許沙彌受僧衣 何妨大僧爲對首」 正受衣者 捧衣面對所對之人（大僧或即是教授師） 具威儀互問訊後說云（七衣、大衣威儀皆同） 即爲正著五條七條衣 令威儀齊正 著履揲坐具臂上 衣鉢袂置手中 《五分律》教著衣時 密如法視無重病否

《業疏記》卷十三·二十一前

◆受五衣

大德一心念。我某甲。此安陀會。五條衣受。一長一短。

割截衣持。

說 三

所對者云 善

受者答云 爾

●受者向所對者將衣一舉問訊 則受持成就 若欲搭衣時 可持偈咒如後

◆受七衣

大德一心念。我某甲。此鬱多羅僧。七條衣受。二長一短。

割截衣持。

說 三

所對者云 善

受者答云 爾

◆受大衣

大德一心念。我某甲。此僧伽黎。九（至二十五條隨改）條衣受。二

（或三至四）

長一短。

割截衣持。

說 三

所對者云 善

受者答云 爾

◆受應量器

大德一心念。我

某甲。

此鉢多羅應量受。常用故。

三說

所對者云善

受者答云爾

◆受尼師壇

大德一心念。我

某甲。

此尼師壇應量作。今受持。

三說

所對者云善

受者答云爾

◆搭衣偈 咒 搭五衣

善哉解脫服 無上福田衣 我今頂戴受 世世不捨離

唵 悉陀耶娑婆訶

◆搭七衣

善哉解脫服 無上福田衣 我今頂戴受 世世常得披

唵 度波度波娑婆訶

◆搭大衣

善哉解脫服 無上福田衣 我今頂戴受 廣度諸群迷

唵 摩訶迦波波吒悉帝娑婆訶

丙四、單白入衆

《事鈔記》卷九·十四前 《隨機羯磨》卷上·二十四前

●教授師如常威儀 從下層東階上 至層上西回 至第二層南面西階上 向東回 當佛前禮三拜已 東轉北回 至羯磨師前 與羯磨師相去舒手及處立 對僧作白

大德僧聽。彼某甲從和尚某甲求受具足戒。若僧時到。僧

忍聽。我已問竟。聽將來。白如是。


●立作白召已 至南面西階上召之（勿出僧中 以在露地故 不得離僧伸手外 若堂內者至門限內）

◆舉手呼云

某甲來 彼依師召而上（沙彌聞召之前 具儀至壇前香案問訊 長跪 拈香一瓣 供養


壇上十師 一拜而起 登壇）

圖(8)



※便引欲受戒者向三上座坐處禮已

圖(9)



◆教授師云

汝至僧中禮十師三拜

拜已 又云

至羯磨阿闍黎前長跪

合掌

丙五、僧中乞戒

◆教授師 立而勸導用心云

善男子。懇切至誠。仰憑清衆。求哀乞戒。此戒法唯佛出世。樹立此法。秘故勝故。不令俗人聞之。故六道之中。唯人得受。猶含遮難。不得具受。汝今既無。甚是淨器。當深心乞戒。須臾之間。入三寶數。若輕浮心。戒不可得。但乞戒由汝身心。恐未曉方軌。階漸無由。故佛教我。爲汝稱述。應隨我語。

縱能自誦 亦須從教 由佛制故

◆教授師教云

大德僧聽。我

某甲

從和尚

某甲

求受具足戒。我

某甲

今從衆僧。

乞受具足戒。

某甲

爲和尚。

願僧拔濟我。慈愍故。

三乞

教已 教 一拜 授師復座

《事鈔記》卷九·十五後 《隨機羯磨》卷上·二十四後

丙六、單白和僧

◆羯磨師白僧云

大德僧聽。此

某甲

從和尚

某甲

求受具足戒。此

某甲

今從眾僧。

乞受具足戒。

某甲

為和尚。

若僧時到。

僧忍聽。

我問諸難事。

白如是。

丙七、問遮難

◆羯磨師又問云

此安陀會。鬱多羅僧。僧伽黎。鉢多羅。此衣鉢是汝有否。

《隨機羯磨》卷上·二十四後

答是。

◆又語云

《事鈔記》卷九·十六後

《隨機羯磨》卷上·二十四後

善男子諦聽。今是至誠時。實語時。今隨所問。汝當隨實

答。《僧祇律》云。汝若不實答。便欺誑諸天魔梵。沙門婆

羅門。世人。亦欺誑如來。及以眾僧。自得大罪。今問汝十

三難事。同前教授師所問。但衆僧恐屏處有濫。故對大衆一問汝。汝還依彼答。一一答我。

汝不犯邊罪否

答無

汝不犯淨行比丘尼否

答無

汝非賊心受戒否

答無

汝非破內外道否

答無

汝非黃門否

答無

汝非弑父否

答無

汝非弑母否

答無

汝非弑阿羅漢否

答無

汝非破僧否

答無

汝非惡心出佛身血否

答無

汝是非人否

答無

汝非畜生否

答無

汝非二形否

答無

◆讚云
善男子。此十三難既無。我今更問汝十六輕遮。

汝稱何法名

答某甲

和尚字誰

答上某下某大和尚

年滿二十否

答已滿

三衣鉢具否

答具足

父母聽汝否

應先問父母在否（若在則問，若不在則不問『父母聽汝否。』）

答 聽

汝不負債否

答 無

汝非奴否

答 無

汝非官人否

答 無

汝是丈夫否

答 是丈夫

丈夫有如是病。疥癩。癰疽。白癩。幹瘡。癰狂。汝今無

此諸病否。

答 無

（今合衣鉢 父母五病 分開則十六也）

《事鈔記》卷九·十七後

乙五、正受戒體

分四

丙一、示境發心

◆和尚云

《事鈔記》卷九·十八後

善男子。汝遮難並無。衆僧同慶。當與汝戒。汝應發上品殷重心。今爲汝作羯磨聖法。發得塵沙法界善法。注汝身心。汝當眼觀壇儀。耳聽羯磨。一心諦受。

丙二、加羯磨法

◆羯磨師云

《事鈔記》卷九·十九後

惟願大眾。不悖慈悲。布施其戒。同心共秉。慎勿異緣。令他不得。

●應四顧望之 不令非法別眾之相 有者喚令如法

◆羯磨師又云

眾僧聽作羯磨

◆羯磨師作白云

《事鈔記》卷九·十九後 《隨機羯磨》卷上·二十五後

大德僧聽。此

某甲

從和尚

上某下

某求受具足戒。此

某甲

今從

眾僧。乞受具足戒。

上某下

某為和尚。

某甲

自說清淨。無諸難事。

年滿二十。三衣鉢具。

若僧時到。僧忍聽。

僧授

某甲

具足戒。

上某下某為和尚。白如是。

稍停云

今問眾僧。

作白成就否。

尊證師齊答成就。

◆又語受者云

《事鈔記》卷九·二十後

已作白已。僧皆隨喜。今作羯磨。動彼戒法。莫令心沈舉。
當用心承仰。

◆又白僧云

諸大德。當聽羯磨。

《十誦律》云 羯磨受戒時 當一心聽 莫
餘覺餘思惟 應敬重 當正思惟 心相憶念

《事鈔記》卷九·二十前

◆第一羯磨云

大德僧聽。此

某甲

從和尚

上某下

某求受具足戒。此

某甲

今從

衆僧乞受具足戒。

上某下

某爲和尚。

某甲

自說清淨。

無諸難事。

年滿二十。三衣鉢具。僧今授

某甲

具足戒。

上某下

某爲和尚。

誰諸長老忍。僧與

某甲

授具足戒。

上某下

某爲和尚者默然。誰

不忍者說。

稍停云

此是初羯磨。成就否。

尊證師齊答

成就。

◆又告受者云

已作初羯磨。僧皆默可。今十方法界善法。並皆動轉。當
起欣心。勿縱怠意。

◆第二羯磨云

大德僧聽。此

某甲從和尚上某下某求受具足戒。

此

某甲今從

衆僧乞受具足戒。

上某下某爲和尚。

某甲自說清淨。

無諸難事。

年滿二十。三衣鉢具。僧今授

某甲具足戒。

上某下某爲和尚。

誰諸長老忍。僧與

某甲授具足戒。

上某下某爲和尚者默然。誰

不忍者說。

稍停云

此是二羯磨。成就否。

尊證師齊答

成就。

◆又告受者云

已作二羯磨。僧並和合。今十方法界善法。並舉集空中。

至第三羯磨竟時。當法界功德入汝身心。餘一羯磨在。汝當發身總虛空界。心緣救攝。三有衆生。並欲扶持。三世佛法。

◆又白僧云

諸大德。願僧同時。慈濟前生。同共合掌佐助。舉此羯磨。

◆第三羯磨云

大德僧聽。此

某甲

從和尚

上某下某

求受具足戒。

此

某甲

今從

衆僧乞受具足戒。

上某下某爲和尚。

某甲 自說清淨。無諸難事。

年滿二十。三衣鉢具。僧今授

某甲 具足戒。上某下某爲和尚。

誰諸長老忍。

僧與

某甲 授具足戒。

上某下某爲和尚者默然。誰

不忍者說。

稍停云

此是三羯磨。成就否。

尊證師齊答

成就。

僧已忍。與

某甲

授具足戒竟。

上某下某爲和尚。

僧忍默然故。

是事如是持。

《隨機羯磨》卷上·二十六前

丙三、得戒時間

《事鈔記》卷九·二十二前

《隨機羯磨》卷上·二十六後

●和尚或教授阿闍黎 告之受戒者 第三羯磨最後一剎那完成時的得戒時間 並且記錄於名單上

你們三人於某年某月某日某時某分得戒

●新受戒比丘隨禮一拜 起具（此時不折具 搭在左臂上） 從東面南階卻下 至二層北出繞


壇至北面時折具 回至南面下層西階下 東回面北 展四折具禮佛三拜竟 起具 問訊 便

從下層東階卻下 出界外

丙四、餘受戒人

●餘受戒者 教授師召之 依師召而上 禮三上座及十師竟 至羯磨師前互跪 依前十一『僧中乞戒』法開始作之

圖(10)



乙六、囑累隨持

分四

丙一、說隨相

《事鈔記》卷九·二十三後 《隨機羯磨》卷上·二十六後

●集衆如常 見《初壇沙彌戒》『鳴鍾集衆』……待全部登壇受具畢 一時集爲說隨相及六念 然今時壇窄 故出界外於講堂等總集 上座則同時爲說隨相 不必戒師 當天受完戒的比丘 晚上另集一處 請一上座爲說隨相 請師儀軌一準如常 最後一壇 鳴鍾一時集爲說隨相及六念 將新戒比丘 環引繞戒壇（登壇法如前第三 誦遺教經 圖(5)）

◆引禮呼

諸比丘等一齊向上排班 展具 聞磬聲至誠頂禮三拜 拜已 長跪 合掌

◆勸持示相撫尺云

《事鈔記》卷九·二十三後

善男子等。汝受戒已。必謹奉持。若但有受無持心者。受戒不得。空願無益。寧起行用。不須願求。經論如此。但佛世難值。正法難聞。人身難得。奉戒者難。故上品高達。能受能持。修道會聖。下品小人。能受能破。心無慚愧。現世惡名。不消利養。死入惡道。中品之徒。善不自發。望上而學。可准下流耶。若遂鄙懷。毀破佛戒。不如不受。必須依

佛正教。順受隨學。五夏已來。專於律部。若達持犯。辦比丘事。修習定慧。會正可期。自此已外。雜學言說。污染淨戒。定慧無由生者。佛則不許。故律云。若師闕教授。當餘處學。爲長益沙門果故。

◆又撫尺云

《隨機羯磨》卷上·二十六後

善男子聽。如來至真等正覺。說四波羅夷法。若比丘犯一法。非沙門。非釋子。汝一切不得犯姪。作不淨行。若比丘。犯不淨行。受姪欲法。乃至共畜生。非沙門。非釋子。爾時世尊與說譬喻。猶如有人截其頭。終不能還活。比丘亦如是。犯波羅夷法已。不能還成比丘行。汝是中盡形壽不得作。能持否。

答
能持。

◆又云

《隨機羯磨》卷上·二十七前

一切不得盜。下至草葉。若比丘。盜人五錢。若過五錢。

若自取。教人取。若自破。教人破。若自斫。教人斫。若燒。若埋。若壞色者。彼非沙門。非釋子。譬如斷多羅樹心。終不覆更生長。比丘亦如是。犯波羅夷法已。終不還成比丘行。汝是中盡形壽不得作。能持否。

答
能持。

◆又云

《隨機羯磨》卷上·二十七前

一切不得故斷衆生命。下至蟻子。若比丘故自手斷人命。持刀授與人。教死。歎死。與人非藥。若墮胎。若厭禱殺。自作方便。若教人作。非沙門。非釋子。譬喻者說言。猶如鍼鼻缺不堪復用。比丘亦如是。犯波羅夷法已。不復還成比丘行。汝是中盡形壽不得作。能持否。

答
能持。

◆又云

《隨機羯磨》卷上·二十七後

一切不得妄語。乃至戲笑。若比丘非真實。非已有。自說言。我得上人法。得禪。得解脫。得定。得四空定。得須陀

恒果。斯陀含果。阿那含果。阿羅漢果。天龍來。鬼神來供養我。彼非沙門。非釋子。譬喻者說。譬如大石破爲二分。終不可還合。比丘亦復如是。犯波羅夷法已。不復還成比丘行。汝是中盡形壽不得作。能持否。

答
能持。

丙二、說四依

《隨機羯磨》卷上·二十八前

●時世饑饉 乞求難得 有外道輒自出家受戒 後僧無食 便即休道 佛言 先與四依 然後授戒 復有外道求僧出家 先說四依 彼即報言 我堪二依 若納衣腐爛藥 不堪此二 便即休道 佛言 此外道 大有所失 自今已去 後授四依

◆正授撫尺云

善男子聽。如來至真等正覺。說四依法。比丘依此得出家。受具足戒。成比丘法。

比丘依糞掃衣。依此得出家受具足戒。成比丘法。是中盡形壽能持否。

答
能持。

◆又云 若得長利。檀越施衣。割壞衣。得受。

比丘依乞食。比丘依此得出家受具足戒。成比丘法。是中盡形壽能持否。

答 能持。

◆又云 若得長利。若僧差食。檀越送食。月八日食。十五日食。月初日食。僧常食。檀越請食。得受。

比丘依樹下坐。比丘依此得出家受具足戒。成比丘法。是中盡形壽能持否。

答 能持。

◆又云 若得長利。若別房。尖頭屋。小房。石屋。兩房一戶。得受。

比丘依腐爛藥。比丘依此得出家受具足戒。成比丘法。是中盡形壽能持否。

答 能持。

◆又云 若得長利。酥。油。生酥。蜜。石蜜。得受。

丙三、授六念

《事鈔記》卷九·二十五後

●若准四分律 衣食起觀 俯仰威儀 常爾一心 念除諸蓋 此據通相 觀行尤難 故引彼文 制令系意 通成今用（出僧祇文）

◆師撫尺云

第一 念知日月

即今朝白月一日至十五日。以純大故。不云大小。若黑月有大小故。須兩分之。今朝黑月大。一日至十五日。或云今黑月小。一日至十四日。此謂識去布薩遠近。出家日月法式如此。若准律爲俗人問。令使識知。若入聚落。先知日月數法。准今則知年月日。

第二 念知食處

於中有三。初不受請法。若全不受請者。云。我常

自食已食。有言食僧常食。有言我常乞食。二受

請無請法。若受請者。云。我今自食。無請處。又

云。我今食僧食。無請處。又云我今乞食。無請處。

三若有請者。有背不背。應云。今有請處。念自去。

若背者。

謂迦提月病
及施衣等緣

今有某緣得背請。

若無緣 一日有眾
多請者 應對人云

今日有多

請。自受一請。餘者施與長老。在某處。

應覓五眾捨之
若無人時心念捨

我

某甲

今朝檀越施我正食。回施比丘。

某甲

檀越於我不

計。我得自恣食。

三說 此念法謂獨住 蘭若 遠行 長病
飢時 依親里住五種 《十誦》開之

第三 念知夏臘

云。我於某年某月某日某時某分受具戒。我今

無夏。

後若有者。隨夏言之。

第四 念知衣鉢

云。我三衣。鉢。具有長。已說淨。

後隨有無 衣鉢藥等
隨有者 念說淨

第五 念同別食

云。我今依衆食。

必有別衆緣 隨開

云。我今有某緣。應別

衆食。

●本宗七緣①病時②作衣時③施衣時④道行⑤船行⑥大衆集四人等長一人爲患⑦沙門施食時

第六 念康羸

云。我無病。堪行道。

若有病

念云。我有病。須療治。

●已上六事 總束爲三 一三是戒 二四及五 內外兩資 第六即身 身是道器 衣食道緣
戒是道基 三皆助道 故制常念 晨朝不作 止犯六吉 此是羯磨 須合四緣 法須口說
言章無濫 事即六緣 無非詣實 人唯獨作 處通兩界 緣乖法敗 隨有結犯

丙四、勸學

善男子等。汝已受戒。白四羯磨如法。成就得處所。和尚

如法。阿闍黎如法。衆僧具足滿。汝當善受教法。應當勸化。作福治塔。供養衆僧。和尚。阿闍黎。若一切如法教。不得違逆。應學問誦經。勤求方便。於佛法中得須陀洹果。斯陀含果。阿那含果。阿羅漢果。汝始發心出家。功不唐捐。果報不絕。餘所未知。當問和尚阿闍黎。

●若平常說隨相 則回向 送師儀軌一準常法

◆引禮呼

諸比丘等一齊起立 聞磬聲至誠禮謝三拜 長跪 合掌 聽遺教經

乙七、誦遺教經

●此時誦遺教經……誦畢 下座退出

◆引禮呼 作禮一拜 合掌

乙八、回向 分三

丙一、受竟下壇

◆和尚撫尺 云

以此受具功德。願戒海澄清。蕩衆生之業垢。僧田淨潔。
作大地之津梁。四恩三有。均沾利益。大衆同音。念佛回向。

◆引禮 呼


一拜 起具 合掌 鐘鼓齊鳴 末後先行

◆引禮 舉佛號

南無本師釋迦牟尼佛……

●十師下座禮佛 教授師執香爐起 至西面北階道立 引十師下階 循下層上面南出東回面
北 當佛前禮三拜竟 便從下層東階下南出 雁行相待於花林間 新受戒者從後而行至場
地林間 方令受戒者在 前 教授師引十師出場門 入大界往戒堂回向

圖(8)



丙二、回向

●十師至堂中而立 引禮師煞佛號 舉回向偈

受戒功德殊勝行。師禮
無邊勝福皆回向。戒子唱

普願沈溺諸眾生。戒子起
速往無量光佛刹。師起

十方三世一切佛。師禮
一切菩薩摩訶薩。戒子唱

摩訶般若波羅蜜。師起

丙三、說自慶偈

◆引禮 舉 大眾同誦

諸佛出世第一快 聞法奉行安隱快

大眾和合寂滅快 衆生離苦安樂快

◆引禮 呼

諸比丘等

聞磬聲至誠禮謝

和尚
羯磨阿闍黎
教授阿闍黎
七尊證師

三拜

◆引禮呼

鍾鼓齊鳴

迎請者送十師回寮

◆新戒比丘為首者呼

諸戒兄等

聞磬聲至誠禮謝諸位引禮師父三拜

◆新戒比丘為首者呼

送諸位引禮師父回寮

◆引禮呼

諸比丘等

聞磬聲至誠禮佛三拜

拜已

問訊

分班

出堂

甲三、發願禮祖

●集衆如常 見《初壇沙彌戒》『鳴鍾集衆』……

●登壇畢 晚間禮佛發願禮祖 引禮師帶領新戒 用梵腔同呼 普賢十大願 四弘誓願 禮祖

◆如常禮佛三拜 長跪 合掌 引禮舉

南無千華臺上盧舍那佛 南無千釋迦千百億釋迦牟尼佛

一者禮敬諸佛 二者稱讚如來 三者廣修供養

四者懺悔業障 五者隨喜功德 六者請轉法輪

七者請佛住世 八者常隨佛學 九者恆順眾生

十者普皆回向

眾生無邊誓願度 煩惱無盡誓願斷

法門無量誓願學 佛道無上誓願成

頂禮西天東土歷代祖師 頂禮律藏會上優波離尊者

頂禮設立壇場豆田邪尊者 頂禮設立壇場樓至尊者

頂禮設立壇場馬蘭邪尊者 頂禮始弘東土律制曇摩迦羅大師

頂禮終南山道宣律師 頂禮靈芝元照律師

頂禮重興律藏讀體見月律師 頂禮古今弘律演教諸大律師

頂禮本山開山 某某祖師 頂禮 某某堂上_上 某_下戒源和尚

◆引禮呼

諸比丘等 聞磬聲至誠禮佛三拜_{拜已} 問訊 分班 出堂